

Punca hasil tangkapan nelayan darat merosot

Ambil tindakan tegas penggunaan bubu naga

UM 04/06/24 M/S 32

Oleh **ADNAN IBRAHIM**

utusannews@mediamulia.com.my

KLUANG: Walaupun penggunaan bubu naga diharamkan, masih ada pihak yang menggunakannya untuk menangkap ikan dan udang, sama ada di laut mahupun sungai sekali gus mengundang kepada kerosakan ekosistem hidupan marin.

Justeru, wakil Persatuan Pemancing Sungai dan Rekreasi Daerah Kluang, Azman Abdul Halil meminta pihak berkuasa memandang serius dan mengambil tindakan tegas terhadap pihak yang menggunakan bubu naga.

Katanya, penggunaan bubu naga di Sungai Kahang bukan rahsia, malah dilakukan secara terang-terangan oleh segelintir pihak yang dipercayai orang luar.

“Masalah yang berlaku sejak beberapa bulan ini menyebabkan golongan nelayan darat di Sungai Kahang menghadapi kemerosotan hasil tangkapan.

“Individu-individu terbabit seolah-olah tidak memikirkan kesan buruk dan ancaman terhadap alam sekitar serta ekosistem dasar sungai kerana penggunaan bubu naga ini.

“Tindakan tidak bertanggungjawab ini boleh menyebab-



SEORANG nelayan dilihat menarik bubu naga yang dipasang di Sungai Kahang, Kluang di Johor semalam.

kan spesies ikan dan udang yang kecil urut terperangkap dalam bubu naga, sekali gus menyebabkan benih-benih hidupan sungai itu mengalami kepupusan,” katanya kepada *Utusan Malaysia*.

Kata Azman, golongan nelayan di situ berharap pihak berkaitan tampil memantau dan

mengambil tindakan segera bagi mengatasi masalah berkenaan.

“Jika keadaan ini dibiarkan tanpa ada sebarang tindakan, perkara utama yang akan berlaku adalah sumber pendapatan golongan nelayan sungai terjejas serta menghadapi kesukaran menjalankan aktiviti harian mereka,” katanya.